



**D<sup>a</sup>. NURIA RODRÍGUEZ RODRÍGUEZ, CONCELEIRA-SECRETARIA DA XUNTA DE GOBERNO LOCAL DO CONCELLO DE VIGO**

**C E R T I F I C O:** Que a Xunta de Goberno Local, na **sesión ordinaria do 22 de marzo de 2019**, adoptou o seguinte acordo:

**21.- PROPOSTA DESESTIMATORIA DE RECURSOS EN RELACIÓN CO PROCESO SELECTIVO DE 10 PRAZAS POLICÍA LOCAL, QUENDA LIBRE, OEP 2014 2015 E 2016. EXPTE. 32854/220.**

Examinadas as actuacións do expediente, dáse conta do informe-proposta de data 18/03/19, asinado polo secretario do Órgano de Selección do proceso referido, que di o seguinte:

**ANTECEDENTES**

En sesión de 12 e de 16 de novembro de 2018 o órgano de selección resolveu as alegacións presentadas contra a plantilla de respostas do primeiro exercicio da proceso selectivo para a selección de dez policía locais polo turno libre, correspondente ás O.E.P. 14-15-16 (Expte: 32854/220).

Ditas alegacións foron obxecto de publicación na sede electrónica do Concello de Vigo os días 15 e 16 de novembro, respectivamente.

Frente as citadas decisión do órgano de selección reaccionan en alzada D. Jesús Garea Ares (180199320, con efectos de 13 de decembro de 2018), D. Daniel Sotelo Fernández (doc. 180199828 con efectos de 13 de decembro de 2018) e D. Ángel Vázquez Carbón (doc. 180201380 con efectos de 14 de novembro de 2018).

**FUNDAMENTOS DE DEREITO**

Primeiro.- Os escritos de oposición se presentan por quen ten a condición de interesado no procedemento, e respectan o prazo legalmente establecido (Base décimo sétima das Xerás rectoras da convocatoria).

Segundo.- Consonte ao disposto na base 8.1 das xeráis da convocatoria corresponde ao Secretario formular á Xunta de Goberno Local a proposta de resolución fronte aos recursos de alzada presentados contra as decisións dos órganos de selección.

Terceiro.- Baixo unha idéntica argumentación reitora e reiterando a plural oposición mostrada vía alegacións fronte ás decisións do órgano de selección de 12 e 16 de novembro de 2018, os agora recorrentes D. Ángel Vázquez Carbón e D. Daniel Sotelo Fernández reiteran a pretensión de que na pregunta 92 se considere correcta a resposta descrita na letra c) ou subsidiariamente a súa anulación e substitución pola correspondente de reserva.



Copia do documento - Concello de Vigo	Data impresión: 29/03/2019 09:36	Páxina 1 de 4
Expediente 32854/220	CSV: 28EE5D-DH59BB-CDE3CE-YDM3AN-LE84Q5-H1	
Pode validar e/ou obter copia electrónica do documento utilizando o código QR da esquerda ou o código de verificación na dirección <a href="http://www.vigo.org/csv">http://www.vigo.org/csv</a>		

Cuarto.- Na fase de alegacións un bo número de aspirantes formaronse convicción arredor do seguinte argumento agora reiterado en alzada polos recorrentes:

*Solicita(n) cambio de resposta en favor da opción c), sobre a base da ausencia dunha mención expresa á esixencia do horario de funcionamento da instalación no art.91.2 letra i do Regulamento Xeral de Circulación. O argumento se complementa coa mención da regulación das zonas de carga e descarga (art. 91.2 letra g).*

Frente ao mesmo, o órgano de selección decide a súa desestimación que argumentou así:

*Todos os supostos regulados no art. 91.2 do EXC (sic) están presididos pola esixencia do principio de proporcionalidade implícito no modo subxuntivo empregado no propio enunciado do precepto ao sinalar que “Se consideran paradas o estacionamientos en lugares peligrosos o que obstaculizan gravemente la circulación los que constituyan un riesgo u obstáculo a la circulación en los siguientes supuestos:”*

*Doutro lado, a falta de mención semellante á que o precepto contén en relación coas zonas de carga e descarga responde a unha mera cuestión de técnica normativa sen relevancia en relación co mandato de respecto ao principio de proporcionalidade.*

Quinto.- Os argumentos que serviron para rexeitar os alegacións se confirman en vía do recurso de alzada.

A pregunta 92 tiña o seguinte enunciado:

*“Para que sexa considerado como un suposto grave de obstaculización, o estacionamento dun turismo nunha parada de transporte público se esixirá:”*

Diximos entón e reiteramos agora que o modo subxuntivo do verbo nuclear empregado na descrición da conducta típica, “constituyan”, esixe (en sentido gramatical, sistemático e finalista ex art. 3.1 do Código Civil ) a efectiva e non meramente virtual acreditación da concorrencia dun risco u obstáculo indispensable para tipificar o feito como “grave”, ao que cabe engadir -obvio é- que noutro caso non hai impunidade senon unha infracción leve.

O principio de proporcionalidade (art. 29.3 da Lei 40/15 de Réxime Xurídico do Sector Público) que forma parte esencial do de legalidade require a adecuación entre o feito punible e a sanción legalmente previstos, e queda suficientemente explícito no xa citado enunciado do art. 92 do Regulamento Xeral de Circulación.

O motivo de rechazo da alegación se convirte así en motivo de desestimación do recurso de alzada en obrigado respecto ao principio de legalidade sancionadora (descrición taxativa).

Sexto.- D. Jesús Garea Ares se alza contra as resolucións do órgano de selección nos particulares relativos ás preguntas 5 e 92.

Para a pregunta número 5 solicita a súa anulación.

Para a pregunta 92 solicita que se teña como correcta a opción c).



Copia do documento - Concello de Vigo

Data impresión: 29/03/2019 09:36

Páxina 2 de 4

Expediente 32854/220

CSV: 28EE5D-DH59BB-CDE3CE-YDM3AN-LE84Q5-H1

Pode validar e/ou obter copia electrónica do documento utilizando o código QR da esquerda ou o código de verificación na dirección <http://www.vigo.org/csv>



Sétimo.- A efectos de evitar unha reiteración improductiva, baste con sinalar que os motivos sinalados no recurso dos outros dous opositores resultan aquí enteramente aplicables devindo non procedente o recurso.

Oitavo.- A oposición á decisión do órgano de selección sobre a pregunta 5 radica na percepción de que nin a opción d) sinalada polo órgano de selección nin a opción a) pedida por unha pluralidade de opositores “son del todo correctas”.

A pregunta 5 tiña o seguinte enunciado:

Las libertades ideológica, religiosa y de culto de los individuos se regulan en la Constitución y en:

- a) La ley orgánica 7/80 de 5 de julio de Libertad Religiosa.
- b) La ley ordinaria 7/80 de 5 de julio de Libertad Religiosa.
- c) La ley de bases 7/80 de 5 de julio de Libertad Religiosa.
- d) Ninguna de las respuestas anteriores es correcta.

É evidente que a opción d) é correcta, e a opción a) non o é. A Lei orgánica 5/80 liberdade relixiosa regula exclusivamente unha das libertades que acumulativamente se mencionan no enunciado devindo improcedente a estimación do recurso.

#### PROPOSTA

En mérito de canto antecede e en uso das atribucións que legalmente me corresponden veño en elevar á Xunta de Goberno Local a seguinte proposta de

#### ACORDO

1º.- Desestimar o recurso de alzada interposto por D. Jesús Garea Ares (doc. 180199320, con efectos de 13 de decembro de 2018) contra as resolucións do órgano de selección de 12 e 16 de novembro de 2018 publicadas na sede web do concello de Vigo os días 15 e 16 de novembro de 2018, que resolveron ás alegacións presentadas contra a plantilla de respostas do primeiro exercicio do proceso selectivo para a selección de dez policía locais polo turno libre, correspondente ás O.E.P. 14-15-16 (Expte: 32854/220).

2º.- Desestimar o recurso de alzada interposto por D. Daniel Sotelo Fernández (doc. 180199828 con efectos de 13 de decembro de 2018) contra as resolucións do órgano de selección de 12 e 16 de novembro de 2018, publicadas na sede web do concello de Vigo os días 15 e 16 de novembro de 2018, que resolveron ás alegacións presentadas contra a plantilla de respostas do primeiro exercicio do proceso selectivo para a selección de dez policía locais polo turno libre, correspondente ás O.E.P. 14-15-16 (Expte: 32854/220).

3º.- Desestimar o recurso de alzada interposto por D. Ángel Vázquez Carbón (doc. 180201380 con efectos de 14 de novembro de 2018) contra as resolucións do órgano de selección de 12 e 16 de novembro de 2018, publicadas na sede web do concello de Vigo os días 15 e 16 de novembro de 2018, que resolveron ás alegacións presentadas contra a plantilla de respostas do primeiro



Copia do documento - Concello de Vigo

Data impresión: 29/03/2019 09:36

Páxina 3 de 4

Expediente 32854/220

CSV: 28EE5D-DH59BB-CDE3CE-YDM3AN-LE84Q5-H1

Pode validar e/ou obter copia electrónica do documento utilizando o código QR da esquerda ou o código de verificación na dirección <http://www.vigo.org/csv>

exercicio do proceso selectivo para a selección de dez policía locais polo turno libre, correspondente ás O.E.P. 14-15-16 (Expte: 32854/220).

4º.- A presente resolución pon fin á vía administrativa. Contra a mesma poden os interesados interpor recurso contencioso-administrativo ante os Xulgados desta clase dos de Vigo, no prazo de dous meses a contar desde o día seguinte á súa notificación (arts. 8.1, 25.1, 46.1 da Lei 29/98 da Xurisdición Contencioso-administrativa).

**Acordo**

A Xunta de Goberno local aproba a proposta contida no precedente informe.

E para que así conste e produza os seus efectos, emito a presente certificación coa salvedade do artigo 206 do Regulamento de organización, funcionamento e réxime xurídico das entidades locais, de orde do Excmo. Alcalde, en Vigo na data da sinatura dixital.

CCA/me

V. e Pr.

O ALCALDE,  
Abel Caballero Alvarez.



Copia do documento - Concello de Vigo	Data impresión: 29/03/2019 09:36	Páxina 4 de 4
Expediente 32854/220	CSV: 28EE5D-DH59BB-CDE3CE-YDM3AN-LE84Q5-H1	
Pode validar e/ou obter copia electrónica do documento utilizando o código QR da esquerda ou o código de verificación na dirección <a href="http://www.vigo.org/csv">http://www.vigo.org/csv</a>		